



Broj: 01,03,03/11-05-1-2470/17  
Sarajevo, 6.11.2017.

KOLEGIJU PREDSTAVNIČKOG DOMA PSBiH  
KOLEGIJU DOMA NARODA PSBiH  
ČLANOVIMA KOMISIJE ZA OSTVARIVANJE RAVNOPRAVNOSTI SPOLOVA  
PDPSBiH

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO. 07-11-2017			
Organizaciona jedinica	Klasifikaciona oznaka	Redni broj	Broj priloga

## IZVJEŠTAJ O UČEŠĆU NA SIMPOZIJU O ŽENAMA U MEHANIZMIMA ODLUČIVANJA

ANKARA, 1.11. i 2.11.2017.

Uz saglasnost Kolegija Predstavničkog doma Parlamentarne skupštine Bosne i Hercegovine Mirsad Isaković učestvovao je na **Simpoziju o ženama u mehanizmima odlučivanja**, koji su Komisija za jednake mogućnosti žena i muškaraca Velike narodne skupštine Republike Turske i *UN Women* zajedno organizirali. Simpozij je održan 1. i 2. novembra 2017. godine u Ankari, u Turskoj.

Predsjedavajući Komisije za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine (PSBiH) Mirsad Isaković obratio se u Ankari učesnicima Simpozija o učešću žena u mehanizmima odlučivanja, dvodnevnog skupa koji su zajednički organizirali Komisija za jednake mogućnosti žena i muškaraca Velike narodne skupštine Republike Turske i organizacija *UN Women*. Govoreći u okviru sesije o uključenosti žena u politički život, g. Isaković naglasio je da su žene u Bosni i Hercegovini i dalje manje zastupljen spol, budući da u zakonodavnoj vlasti na svim nivoima zastupljenost u prosjeku ne prelazi 40%, koliko je utvrđeno Zakonom o ravnopravnosti spolova u BiH. Naglasivši da je zastupljenost žena u političkom životu u BiH u okvirima prosjeka zemalja članica Evropske unije, Isaković je naveo niz mjera koje preduzima Komisija za ostvarivanje ravnopravnosti spolova Predstavničkog doma PSBiH s ciljem ostvarivanja principa rodne ravnopravnosti u institucijama na svim nivoima vlasti u našoj zemlji. Prema Isakovićevim riječima, bez ravnopravnog položaja žena i muškaraca nema istinske demokratije niti prosperitetnog društva. U vezi s tim, Isaković je naglasio da pitanje ravnopravnosti spolova u BiH mora postati dio svake progresivne politike i da je od suštinskog značaja za bosanskohercegovačko društvo u cjelini ravnomjerno učešće i podjela odgovornosti žena i muškaraca u javnom životu i prilikom donošenja odluka, kako je definirano Zakonom. U radu Simpozija u Ankari, kojim je obilježena 8. godišnjica rada Komisije za jednake mogućnosti žena i muškaraca Velike narodne skupštine Republike Turske učestvovalo je oko 200 parlamentaraca i predstavnika organizacija koje se bave rodnom ravnopravnošću. Drugog dana Simpozija o učešću žena u mehanizmima odlučivanja, predsjedavajući Komisije


za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine (PSBiH) Mirsad Isaković imao je i bilateralni sastanak s predsjedavajućom Komisije za jednake mogućnosti žena i muškaraca Velike narodne skupštine Republike Turske Radiye Sezer Katircioglu. Gospođa Katircioglu se zahvalila se na podršci koju je Bosna i Hercegovina uputila narodu i institucijama Republike Turske u vrijeme i nakon pokušaja državnog udara u toj zemlji, te naglasila da prijateljstvo Turske i BiH treba da ostane snažno jer je u interesu obje zemlje i cijelog regiona Zapadnog Balkana.

Čestitajući Republici Turskoj 94. rođendan, g. Isaković zahvalio se gđi Katircioglu i Komisiji za jednake mogućnosti žena i muškaraca Velike narodne skupštine Republike Turske na odličnoj organizaciji Simpozija o učešću žena u mehanizmima odlučivanja, te je pozvao gđu Katircioglu i Komisiju za jednake mogućnosti žena i muškaraca Velike narodne skupštine Republike Turske da posjete Parlamentarnu skupštinu Bosne i Hercegovine i Komisiju za ostvarivanje ravnopravnosti spolova PDPSBiH s ciljem nastavka razmjene informacija o praksama i aktivnostima dvije komisije u pravcu poboljšanja položaja žena i njihovog učešća u institucijama zakonodavne i izvršne vlasti. Podvlačeći da BiH u Turskoj ima iskrenog prijatelja, gđa Katircioglu prihvatila je poziv g. Isakovića da posjeti Parlamentarnu skupštinu BiH. Gospođa Katircioglu spomenula je da *UN Woman* podržava rad komisija za ravnopravnost spolova i da postoji mogućnost da se iskoristi jedan od njenih programa s ciljem pružanja finansijske podrške tokom posjete Komisije za jednake mogućnosti žena i muškaraca Velike narodne skupštine Republike Turske.

Izveštaj odobrio:  
Mirsad Isaković  
predsjedavajući Komisije za ostvarivanje ravnopravnosti spolova  
PDPSBiH



Izveštaj pripremila:

Amila Žujo   
stručni savjetnik – prevodilac za engleski jezik

Dostaviti:

- Kolegiju Predstavničkog doma PSBiH
- Kolegiju Doma naroda PSBiH
- Kolegiju Sekretarijata PSBiH
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Komisiji za ostvarivanje ravnopravnosti spolova Predstavničkog doma PSBiH
- Sektoru za odnose s javnošću Sekretarijata PSBiH
- Sektoru za međunarodne odnose i protokol Sekretarijata PSBiH

Kopija: Ministarstvo vanjskih poslova BiH